

沅  
湘  
耆  
舊  
集

沅湘耆舊集卷第一百二十八

新化鄧顯鶴湘臯編輯

湘陰左宗植仲基校訂

陳歲貢士松 三十首

士松字喬秀長沙人乾隆閒貢生有蒼山逸贍詩  
草蒼山家故貧刻苦好學年三十始附籍於學又  
落拓不治生餓屋而居炊煙常不繼土塋鶉衣嘯  
歌自適年六十卒病亟時同人哀之醵金刊其遺  
集其弟鶴臯布衣士杜爲之傳從弟每田編修士  
雅序之卽今所傳逸贍草是也先生諸孫花農秀  
才煦芳與余友病原刻未善屬爲校定重刊爲先

選其尤者入茲集云

每田編修逸牘草序云兒少時貧不能從師畫與儲保雜

作向夜篝火手一編不倦十許歲出語已驚其坐人稍長授徒備口俯仰離歌酒酣興發輒下筆滾

滾數千百言其詩性情悱惻寄託遙深俯然塵垢之外

### 江心寺

挾策赴郡郭獨步江上樓微茫辨城邑摩挲摘斗牛籠雲  
窗外飛江雨閣底浮橘洲分濤立瀟湘西北流縱目長懷  
古天心終悠悠太傅存舊宅忠臣怨離憂多才造物忌千  
古咎王侯孤情一臨眺潭影相映愁煙寒洞庭野日落若  
梧丘衆人慕炫玉吾道將何求

### 寄懷

衡山鍾南服秀靈拔駿島移置蓬壺境海闊煙浩浩訪道

葛仙翁披澄瑩芝草時吐丹泉飲者顏色好  
吾慕西王母養真崑崙墟瞪目視下土一氣渾太虛褰裳  
從之遊修里萬萬餘夜半青鳥使飛鳴引征車

夏晚閒曠感懷寄李一堯山

六月天氣佳晚風散原陸長虹亘斜日微雨淨修竹徙倚  
望東臯離離穎嘉穀鄰婦汲井深村童呼歸犢犬吠深樹  
煙猿嘯遠岑木始知無懷民足以養醇樸何時占邱園躬  
耕飽饘粥逝將跋芒屨蕭然適幽獨憶我良友朋遠寓千  
里日野人慕一枝君子大所畜

曉行溪邊

披衣先鳥起山溪自延緣寒躡觸露溼凋楊迎風翻沙徑

影鶴蹤石橋漱泉根微旭朝蕩漾潛鱗嘯波痕依依空際  
煙隱隱識漁村茅簷少人事高眠猶閉門

留別黃南臯丈并閻謙兄弟

遊子望故里班馬西風急傾壺抱瑤琴悄悄滄波立迴首  
憶往事唱和滿雲笈花飛春園香雨送秋蛩泣日月忽已  
邁歲華迫蕭颯衰鬢久門倚念此百憂集臨歧話離別去  
住交愁悵知已歲寒心不得偕出入主人兩驥子翰藻素  
所習男兒志千里風雲薄呼吸昔我同門友次第超等級  
薄才分棄捐悔憾嗟何及感多中腸熱暫歸理瓢笠一彈  
再三歎淚下衣袖溼僕夫嚴戒途白駒賦維繫草青舊客  
來窗紗破仍葺

登九龍山

自注 朝獻先生  
結鄉勇禦賊處

九龍勢蜿蜒地絕罕人境當年度形便築壘護鄉井磴道  
高盤迴叢林鬱荒梗嶂圍明滅水畦列低昂町落日懸遠  
巘空翠蒙別嶺縹渺影珠寺微茫嶽麓頂峭拔西北奔軒  
豁東南屏殘紫帶崩石重嶂郵修緹壁罅牛羊蹊巖開松  
櫟挺叢竹靄陰翳舊祠森閑靜冠袍存古制儀貌儼新整  
事閱年代悠氣與爐香冷追往旣寥寥拊今獨耿耿始志  
擬吳鄧終身混箕穎寇盜斂鋒鏑黎庶全腰傾桓桓保障  
功百世祀宜炳暝色薄樵徑流風惜俄頃禪關聞暮鐘林  
際寒煙迴

題高壽禪房

尋幽歷崎嶇雲中得初地古木號波濤修篁迸蒼翠冥冥  
鵲響合嗷嗷鶯語細重門聲悄寂素壁綴文字南風吹山  
榭微涼送香至憑軒玩羣秀了徹無生義薄暮悵忘歸望  
礙勞塵事

擬李太白搗衣篇

秋風漠漠蕭關道邊庭處處無青草蘆管一聲鐵騎來百  
萬征兒戍中老高樓紅顏望客歸年年秋夜搗秋衣調清  
響急風月苦更殘力倦星斗稀星斗稀時風月苦遠人無  
衣尙行伍天風吹來斷續聲愁絕長安千萬戶千萬戶摧  
心肝閨中無人靜夜寒搗衣不知筋骨瘦祇覺精帶腰聞  
寬十五從姑學搗練暮暮朝朝顏色變不愁長此拭清砧

但願沙場罷征戰

社日書懷呈黃南阜先生

迴風惱怒芳樹寒久客歸雁號雲端孤鏡小酌狂態發長  
歌嘯傲銀漏殘主人文章凌謝陸光照明珠十千斛湘妃  
彈罷江峯青幽蘭含香滿空谷素壁挂仙源玉架懸牙軸  
庭院莓苔惜落紅陶然一枕松花熟君不見枌榆社裏鼓  
聲悲鬱鬱肝膽訴與誰男兒致身苦不早卻待遲暮當何  
爲嗚呼銅山日貴詞壇輕翟門羅雀見交情豈無季布千  
金諾令人惆悵曹邱生感公意氣薄青雲欲叩天關天不  
聞荆軻入秦報知已安得寶劍將夫君

社日寄從弟汝清都下

隨景朝朝異，歌處處同徘徊。紅杏月搖曳，綠楊風隨伴。  
開殘帙，無心逐轉蓬。西堂一樽酒，難與共治髡。

造物鍾靈秀，江城嶽麓開。花明神禹碣，草秀赫曦臺。幽洞  
寒猿臥，虛堂宿鳥來。隔江喧雜滿，亦未遠浮埃。

空谷足音遙，山中影寂寥。海明紅吐日，江靜白吞潮。薄俗  
誰堪駐，詞宗擬見招。瀟湘朋舊滿，傾耳續簫韶。

無情溪澗水，滾滾赴春江。野渡船三五，晴空鶴一雙。身家  
攜篋簡，歲月隱書窗。就食歸農圃，雄心未肯降。

古今遊宦處，瞬息客身孤。積羽沈舟地，繁霜落木區。曉煙  
分禁苑，暮日影江湖。永夜悲風裏，昂藏一丈夫。

藟躬託覆載，嵩華一秋毫。不費陶鈞力，安知出處勞。澹雲

天漢瀟瀟月海門  
高齋極無人曉行吟望九皋

世態役紛華知君道力除  
眉軒金印大色動玉封斜曉日  
芒轡筆秋霜冷劍花芳蹤期不朽  
萬古一長沙

百年趨紫禁一枕夢黃梁  
鐘鼎留名蹟林泉寄酒狂窮邊  
闕氣數心跡本輝光幸語凌雲客  
鳴珂入帝鄉

白雲封碧草紫石縛蒼藤  
浪定難馴性薪傳不夜燈  
虛無通五味色相悟三乘  
世事吾何有波羅直上昇

奇懷喜獨醒絕境構荒亭  
醉去聽禪法閒來讀道經  
蓮花香入夢柏葉冷侵庭  
靜夜無人語微風灑畫屏

訪道臨三島尋真遍十洲  
佩環歸洛浦笙鶴接浮邱  
塵海千年夜元關兩岸秋  
往來無住著翔舞傍沙鷗

妙與仙靈會誰知復有心積年烹竹葉幾切劖松苔漆髮  
霜難染冰肌障未侵浮雲看富貴非想日沈沈

遊山寺

有客慕清曠陪遊到鶴林松風吹薄暑梧葉聚濃陰聽梵  
參禪性烹茶悟道心從茲來往熟時得滌煩襟

促織

何處聞紅女清秋拭晚醺寒衣憂旅客促織發悲音竟夜  
吮齋隙親人訴歲陰深哀遊子意莫近北堂吟

示諸學子

昔遇稽中散相救玉軫琴向人彈古調怪我多悲音抑鬱  
竟無色坎軻直至今如知流水意莫改歲寒心

春日登城

高城迴眺影空濛萬戶樓臺指顧中細草爭妍侵遠道奇  
花無色老芳風江開野水連天碧麓頂晴霞映日紅行處  
欲參清淨理避喧無奈梵王宮

自注時賁  
曾聲聒耳

古別離

登程莫回首路窄馬蹶滑失眼落春塘冷徹窮酸骨

望烏山寺

樹林深處是香臺半嶺寒雲鎖不開惟有鐘聲未了道隨  
風日午下山來

塞上曲

武皇積歲怒羌戎驃騎頻年喜戰功血浪湧翻青海月關

醜吹冷黑山風

關山落月隱孤城沙漠寒雲密五更向曉鳴笳聽不得秋風吹出最分明

吳布衣炯 十二首

炯字秋陽自號睡庵武陵人工詩善畫嘗依其兄桐園守備客邵陵吳蘭翁一見訂交性落拓日與酒人傭保雜作塵肆閒喜度曲敝衣垢履歌呼過帝國人皆驚睡庵夷然不屑也嘗同人泛小舟遊雙清亭落水眾方驚救已從容冒水出大笑云適從三閩大夫遊樂甚諸君能嘗試否一舟皆大笑有雙清亭五古三百韻奇作也惜用韻太雜吾友

湖東嘗爲余言睡庵殆非常人同年友譚晉肩從  
母兄譚錫朋二君嘗誦其警句五言云野狐秋拜  
月山鬼夜吹鐙七言云黃葉打頭沽酒去夕陽暈  
背刺船歸歎爲名雋近從武陵楊葵杏農許得其  
古香園詩草一冊前有邵陽朱蓀序名童心集皆  
童年以前之作如初夏山莊云紅珠滿地鶯桃熟  
翠羽連天燕麥齊古城云蒼苔虎迹荒途石老樹  
蟬聲破廟風漠中云地脉遠從三輔至山蹊危自  
五丁開偏頭關云秋隨野色山西去風捲河聲塞  
外來雁門云天外夕陽橫紫塞山西秋水灌黃河  
送人之西安云雞聲曉渡函關月馬首遙看太華

雲入境臺云五嶺南依諸越險孤城中壓兩江開  
殊能作雄秀語余回湖南時聞其尙在老病無子  
年近九十卒全集散佚爲可惋也

遊仙

冥遊周入極丹邱逢羽人手持綠玉杖逍遙珠樹林  
太古兒白謂天皇民驩然顧我笑爲我謀長生煙中摘瑤  
草空際收雲英合作不死藥飲以流霞觥伐毛闢風苑洗  
髓天池溜坐我鳳皇背白日昇青冥凝神暫俛視遠目增  
雙明片碧浮厚土一鑿開環瀛

僊觀但一氣摩空趨北辰義車過我側礪碾玻璃聲扣  
門問詞注籍爲仙叱鬼斧月中桂小築銀潢濱寫賦售天

帝買龍耕白雲努力種芝草紫皇蠲所征呼童勞騰鳳  
解遼河星朱雀奏奇舞白虎吹鴉笙遺世雖云樂久別  
旌爲情恆期地下久與我俱長生

長沙

軟紅塵裏脈奔馳且就長沙借一枝獨酌每逾頰頰後  
居剛是黑頭時江聲夜永湘纍廟木葉秋深賈傅祠滿  
腹濃愁消不得天涯惟有鷓鴣知

紀夢

錦衾春睡有餘溫惆悵蘭缸焰已昏癡夢不謀縈伏枕  
壯遊真可慰羈魂南偕馬援標銅柱西共班超出玉門  
多事曉鶯催喚醒起看殘月挂金盆

岳陽樓

巴陵城裏客愁多，勝地還須載酒過。  
平野闊分雲夢雨，大江橫納洞庭波。  
天涯隻影悲鴻雁，故國春山憶綠蘿。  
日落不勝懷古意，遠隨秋水弔湘娥。

黃鶴樓

黃鶴樓頭秋日陰，客中扶病強登臨。  
東南野色分吳楚，江漢濤聲自古今。  
澤國秋高紅葉少，鄉關天遠白雲深。  
仙人玉笛無消息，但聽蕭蕭萬戶砧。

有贈

一曲清歌奏管絃，好花爭放四禪天。  
不知楊柳誰家絮，飛入旗亭觀舞筵。

西園感舊詩 有序

炯少好奇計開以示人往往感笑每欲得一解嘲者久之難其人研北老人湖以南名宿也尤善於風塵中識奇士炯自幼卽心嚮往之然是時老人官閩中雖欲見未由也及老人解綬歸會余有邵陵役遂不果見及炯歸可見時而老人已謝世矣炯與老人並世同里相隔一牛鳴地而終不得一見豈非天哉一夜夢遊西園西園者老人官臺灣時所築休憩處也有感於瓦破垣頽花殘柳廢而成七絕十五首用悲老人不再至醒時墮渺茫者過半錄其存者足成之以見炯之於老人神交如此或不爲老人所唾也

老屋詩魂冷孟郊至今無復此誅茅爭如梁上紅襟燕猶  
得含泥補破巢

畫舫隨風自轉移更無人理釣魚絲卻教鷗鷺來滄海占  
斷庭前放鴨池

雙鷓相隨返故園滿庭風露自黃昏飄零松頂遺巢在竟  
讓鷓鴣有子孫

郁李細桃罨綠蘿春來結子亦無多武陵人老西歸去誰  
向天涯覓橐駝

黃蒿紫艾各懷新浪費東風發育仁牆角碧桃三五樹可  
憐憔悴不成春

王山人國甲 三十六首

國中字開三一字建子常寧人縣學生有拾遺山人詩鈔山人幼多病棄舉子業怡情歌咏遂以詩名風格老到饒有寄託非宜陽諸子可同語也

古風

次溪濯龍淵純綠生銅光天精伏罔兩虎氣騰寒芒久無張華識割鼎中情傷化龍躍江漢雌雄天各方滄海何茫然上流銀漢液八月望仙槎年年浮海客聞道咸都市賣卜今猶昔定有嚴君平識爾支機石

江南二三月春風笑桃李枝搖丹靨霞葉剪碧羅綺結實大如卵清露滋甘旨一旦鸚鵡鳴飄零亦多矣松柏正無言獨映寒江水

宋人得燕石臨風笑玉璞周容西出關卜觀彖端服寶革  
發十重束帛相橫縮嗟彼得石人了知當韜櫝卜和不悟  
此果然則其足

天末走秦城海橋成未得明年祖龍死亂星堆殘石沈江  
壁不還巨壑漚不擲撫欄唾蒼莽敝屣通殊域

天外祝融峯碧綠玉爲壇壇東三五步紫梨若金丹開軒  
宴瓊瑤高堆白玉盤玉盤不可得紫梨不可餐

神聖古媧皇殺石上青天設機窺圓象甯有石高懸中古  
甌洪流浚洞無百川至人乘龍馬湖海今爲淵俯仰天地  
大乎成歸自然

湘浦歌十七首步太白秋浦歌韻

湘浦鴻雁秋鴻雁不須愁我欲望鴻雁行行望湘樓滾滾  
海陽水南流復北流北流到洞庭能達海門不一去三千  
里爲我寄揚州

君心苦多愁愁成堪白頭憶彼南灘水何不俱北流北流  
入大江吾得及時遊百年江上渡天地迴扁舟

湘浦雲和瑟亦應天上希蒼梧邛可到斑竹淚沾衣  
童髮向湘浦青蒼別盛衰水光似明鏡君髮猶青絲  
高岸何崔嵬白石如玉雪猶能照魚梁吹煦水中月  
吹起湘浦浪滾滾如桃花桃花不可玩獨立俯寒沙  
織女機下石不肯贈牽牛感君雙白玉報君黑貂裘

衡山七十二環如九疊昇北風吹不轉日日錦雲生

榜子歌叩舷人弔汨羅天三湘無限水擊鼓上龍船

三十六灣水月明白鷺飛

太白句

蘆花家幾處柔櫓夜雙歸

徘徊古嶽麓砮石飛紫煙無限秋時月書聲下遠川

扁舟苦憾短湘浦何太長爲君舞明月劍氣落星霜

山鬼羅衣暮平沙落雁聞幾日人閒雨蒼梧一片雲

種蔬園內適向南劉十三至與言求閒意

脂膏非我願何不種青蔬云有戶外屨卻放手中鋤感意  
慰勤苦具飲列蝦魚共悟寂爲樂靜言閒以居往年鑿山  
水無力構門岡尙爲原土田稍食田中餘暫欲種佳樹漸  
得薪薪構池引上泉水菱芡未可無僕事久未返意至亦  
暫如計以今歲稔將爲築室初規模已宛在經營料所須

樽酒話新宅亦應君與予

曉起

啟戶天無雲日在東林上樹影橫清池晨風吹碧浪黃鳥  
聲細聞游魚恣蕩潏緩步曳閒筇悠然撫佳况

題畫

春風昨夜雨青青百草長今朝林樹下舉杯得孤賞山雲  
起樽中山花落衣上撫琴對靜幽一彈衆谷響

登回雁峯

極目岩巒望江城古畫圖嶽雲連石鼓湘雨入鄱湖水淨  
流雙合天高戶萬區扁舟沙上小葉葉似浮鳧

甘泉寺懷古

未得牽舟上行吟野鶴前撲塵方厭客滌俗有甘泉寂爾  
無機事因之感昔賢庚申是何歲平仲此南遷

遊楊園

過市初生靜聞香始近園新鵬鳴夾巷深柳閉重門花擁  
山翁座風清旅客言會須金谷飲勝踐得重論

高亭衝樹出清密納微涼窗日朝開嶽簾風夜渡湘凡禽  
巢不得蔓草綠成行吹香應有額亦恐誤蒼筤

蒼陰回峭壁流水盪心胸山腰仙藥聚石眼古涎濃誰能  
讀黃老此閒有赤松苔行穿洞出回首溼雲封

夜泊湘潭

北風吹桂水朗月照流沙十八潭州總尋常酒債家旅拆

邊城壯漁村古渡斜湘濤秋露裏獨席一星椽

述舊

六戶海豐吏九邊儒者軍際衰多劫運數典喪斯文第宅

多新主高會賸舊聞凹霞風已古獨憶雅田雲自注二世祖戴日君

以江西李和君爲麻西海豐教諭始入邑採集食屯田六

戶三世祖質成君以儒生從討交趾西蠻世居凹霞高祖

丁明季流寇之亂始遷雅田

戰守中與策切時空復聞七倉河上粟一餉鍾山軍東卜

餘殘壁西註待隱君承平懷往烈譜牒有遺文自注明季高祖文傑

先生上中興戰守策命未下鍾山軍乏餉未陽令奉委值

以捐紓國急乃預擇縣治西河干民倉七拍坊水次民倉

董解赴軍晚年隱於東卜園號東卜先生衡陽王而農先

沈相書舊集卷第百二十一

南兵亂人情洶洶乃  
收族修譜使不流亡

重九寄拙亭詹七

我愛詹公子悠然抱素心  
應秋思不淺覓句寄還深  
酌酒陪黃菊停杯禮夕陰  
所懷甯數見相次款寒林

夜坐

靜夜人無語清鐘響亦殘  
蟲喧四壁靜月落半窗寒  
斗酒橫琴下囊書帶劍看  
閒情如此會始覺地天寬

山館夜坐

罷詠禪心遠捲簾獨倚軒  
月明窺鳥夢風定悅花魂  
五柵煙連閣三槐影閉門  
關山漸欲曙寒犬吠鄰村

芋荷山漫興

地闕幽棲暘睡軒奇峯窺牖鳥窺垣不徒車馬罕聞跡猶  
是漁樵不到門林影漫搖樓閣動池光返射石巖翻薰風  
自識除炎午隨意緣階刷草根

野望

澤國開嵐市晴雲積四阿衡山屏九疊蒼翠夕陽多

陳布衣士杜 三十五首

士杜字鶴皋長沙布衣蒼山明經士松之弟有雨  
花山房詩文鈔布衣貧無屋廬嘗躡僧舍以居終  
其身阨童子試中未青一衿困踣窮乏視其兄而  
又過之以古文名詩有性靈古體尤多可存

詠懷

東髮耽圖書幽名肆漁獵冥心洞今古負氣爲任俠誰能  
役紙筆但鬪鄒枚捷從倚出門去拔劍擔囊篋

公子信陵君推賢恤窮阨設宴候夷門時危效奇策人生  
感意氣勿頸何所惜千載誦高風徘徊大梁月

青青嶽麓峯沿江百餘里有幽奇谷下有息心士奉芳  
蘭芷閒採藥煙霞裏逍遙眞意適坐歎駒陰駛

言尋希夷叟服氣華山東枕石臥松陰長嘯鳴天風風高  
不可卽石磴雲濛濛願言接輕裾餐霞凌紫穹

偶成

青天見白雲淡蕩隨征鳥我心與之俱兀坐形枯槁冥冥  
造化遊目寄清虛表物彙悅恬熙萬象忘幽窅飄然鶴可

駕凌風拾瑤草  
崑崙閭苑閒  
瞬息情顛倒  
俄頃忽歸來  
青山煙浩浩

讀史雜詠

高祖起亡秦  
亂階兆胡亥  
安忍續覆轍  
立愛遺追悔  
庸知易位語  
不向戚姬始  
留侯識茲意  
商山備繒綵  
四皓來漢庭  
謬使回眞宰  
尙父避商紂  
一出清四海  
嗟彼果何爲  
從遊關亮采  
韓彭黜蓋世  
一朝尙趙醢  
甯患羽翼成  
儲位不復改  
惠帝性仁慈  
朝臣意斯在  
豈耽兒女私  
致令社稷殆  
史重留侯計  
斯情秘千載

晁錯削諸侯  
七國乃發難  
吳楚兵旣興  
要領適已斷  
時無袁盎譖  
帝已惡階亂  
致治在德綏  
豈徒務強幹  
弼賢政教

明自合荒服憚尉陀僭南越上書願臣漢况乃同枝氣削  
奪本非算齊黃踵覆轍反速燕王叛謀國計誠愚于載共  
興歎

于雲富文章名位苦不遂紫色混炎精率土盡裂臂奴顏  
諛新莽執戟仍下位想彼投閣時自顧有餘愧作書語劉  
歆攻苦亦已備沈吟披法言未免多才累

仲任嘉論著文字湛經術利精作論衡今古洞纖悉伯喈  
曠世才珍重閉藏密抱朴嗟偉人豈徒詫奇筆珪組公卿  
閒時當誦良弼惜哉老被徵空文于載述

節信恥庶孽感憤著潛夫立論刺卿相鄉里嗤妄愚文成  
重當世伏處榮剖符志士非激昂焉能耀寢區豈無清紫

費身沒名與俱吁嗟開世豪歷劫稱鴻儒

男兒立天地所貴明紀綱朱三劫神器塗炭于天常老賊  
不足誅同惡皆豺狼如何鐵鎗死亦復爲褒揚龐德翊漢  
賊引頸受劍鏃李密起綠林矢死有伯當令皆列忠義名  
教豈不妨願言質廬陵盜黨何足臧

聖人重相士鑒物窮纖微見形疑刻覈失實貽禍機定夫  
立程門士望衆所歸忽焉譽秦檜秋潭蔽清輝品以苟文  
若安國奉不違君子一言誤致令宋事非溫公薦安石先  
後同獻欷

賈生痛哭後千載無斯人南渡宋式微國祚延絲繆偉哉  
陳同父泣血叫帝闈上書獻奇策克復渝蒙塵名言苦不

悟杜宇號荒榛挑燈默撫几曠世同酸辛

讀陶仲調先生贈高祖詩

有序

幼聞陶密庵先生有贈高祖夷子公詩一幅存從祖九  
萬府君手藏弄甚謹未及見也道光二年七月七日從  
姪立菴攜以見示先生吾楚名宿於高祖爲父執行詩  
旣清深字尤奇峭旣喜得見感歎不已因誌諸篇

吾鄉耆舊陶先生文章氣節光前明春日題詩寄吾祖風  
骨直亞儲王清此物收藏從祖手篋笥緘封夜光吐炯炯  
大字懸經堂

自注夷子公於屋側高阜處營一別墅獨處  
其中日誦釋典人罕見者後卽其舊址爲祠

以祀公號  
曰經堂

二百年來忽驚睹當年芳草動幽思龍梭織字

騰蛟螭遺入草堂伴居士一簾花雨看經時

附錄 鶴 單 布 衣 書 高 祖 夾 子 公 逸 事 畧 高 祖 夾 子  
公 諱 宗 諱 洪 之 公 長 子 也 當 明 季 亂 盜 賊 起 方  
嶺 南 將 兵 焚 掠 居 民 皆 望 風 逃 一 日 聞 嶺 中 將  
軍 兵 至 村 舍 驚 竄 洪 之 公 自 外 歸 直 抵 軍 門 賈 將  
軍 以 大 義 將 軍 怒 命 執 之 時 舉 家 已 避 於 山 見 蔣  
之 公 後 親 惶 懼 莫 知 所 措 夷 子 公 方 十 歲 告 其 母  
王 為 人 曰 軍 中 執 父 索 金 耳 使 兒 得 見 將 軍 賂 以  
金 當 免 乃 攜 白 金 釵 銅 諸 事 造 軍 壘 呼 曰 願 見 將  
軍 白 事 軍 吏 不 為 通 袖 金 與 之 引 入 將 軍 方 踞 床  
坐 公 汗 曰 老 父 一 為 通 袖 金 與 之 何 足 以 示 武 且 使  
知 能 之 士 聞 之 解 體 將 軍 笑 取 焉 今 願 以 示 武 且 使  
物 敬 倚 左 右 願 將 軍 赦 老 父 語 罷 頓 首 泣 下 將 軍  
初 見 公 側 儻 甚 河 及 聞 公 語 益 奇 之 命 掖 坐 於 側  
濫 語 曰 吾 無 子 若 肯 為 吾 子 卽 釋 而 父 公 度 不 許  
父子 俱 不 得 生 則 偽 應 曰 諾 將 軍 大 喜 乃 逸 湛 之  
公 傳 令 拔 寨 南 行 抱 公 乘 馬 馳 去 數 日 途 遇 一  
人 踏 跟 奔 避 公 馬 上 遙 識 之 呼 曰 子 非 賣 魚 某 翁  
耶 其 人 驚 顧 公 曰 幸 告 我 豕 吾 今 從 將 軍 入 黔 矣  
翁 歸 語 湛 之 公 公 驚 喜 厚 給 之 會 黔 楚 道 梗 越 一  
年 乃 合 翁 與 僕 加 籌 攜 貲 偕 往 將 行 公 調 加 籌 曰  
曩 兵 至 吾 見 旗 幟 有 威 清 平 壩 衛 將 軍 字 入 黔 當  
以 是 訪 之 行 月 餘 抵 黔 久 之 始 知 威 清 平 壩 二 衛

心 目 皆 奮 良 卷 第 百 二 一 一

在宣慰司東界關月至威清又十餘日至平壩其  
地險隘民多夷獠所調九門十餘日塞據萬山  
中鹿角密布旌旗戈戟照耀林麓外建大旆果  
威清平壩將軍於是許為買酒者潛遊洞中  
祭一峒民頗樸直距寨僅四五里陰暱近之因  
其家時具酒食共飲吸驢甚約為兄弟頃之流  
涕云某本長沙人有弟被擄寨中父母日垂涕  
思某故尋訪至此脫得開竄出當重酬幸勿洩  
民許諾已聞軍中掛孝為夫人建醮加籌匿塚  
窺之遙見素旒飄揚鼓吹前導而出喧關若沸  
童子衣白練衫執素壙乘白馬者公也左右簇  
復入先是加籌入黔人唱所謂憐花落者習  
其聲至是乃走軍門乞食值重門洞開公方禮  
加籌立門外高唱以動公反顧遠目止之加籌  
乞齋供索酒食噪聒不休公佯怒執棒逐之至  
側無人曰夜閒候我於此加籌颺去其夜公偽  
疾數如廁左右謹待之至夜半皆熟寢乃易衣  
攜金潛至約處低喚曰來否加籌應聲出負公疾  
起制民家入門告曰此吾弟也令徧拜其家人  
與加籌計曰軍中失我必大索奈何峒人指室中  
糧埃濃厚處曰此炕種蕘所也若踞其上縱入戶  
索必不覺於是共伏其中四鼓後聞人聲洶洶光

射簪際公驚起門壁罅視之見軍士百餘人胥  
炬披巖谷殆遍谷嗣沸騰燭天若畫三人終夜  
息無敢出聲向曉復見鐵騎數百人風馳而過  
响民偵之云將軍以公子夜失大驚且悲命軍  
分道疾追敗匿者死公聞躡航上半月探追騎  
返乃厚酬出鎮遠界累騎而還及長補邑庫食  
夜行開道與逆初平差務繁劇里長進令者罰  
旋棄去時吳逆初平差務繁劇里長進令者罰  
貸推公爲令所重以出歸之於六俱於學公晚  
界公承差事竟仍以出歸之於六俱於學公晚  
年謝絕時務營別墅於居室之左名曰經堂朝  
誦經奉佛遍施田宅於諸寺率七十有九顯鶴  
按夷子先生總角時被擄開闢數千里卒能以奇  
計脫歸非知勇深沈何能有此乃其僕亦非常人  
也布衣此文寫生甚有筆力惟詩註稱夷子爲前  
明諸生則與文不合先生被擄於滇將應在順治  
戊子巳丑開李定國入楚之年是時夷子甫十  
歲其不耕諸生籍於明代明矣詩註又稱鼎革後  
築室於屋左亦不確先生入本朝方應試爲廩  
膳生薦元落解則非以前代遺民自處者書事言  
晚年謝絕時務營別墅於  
居室之左爲得其實云

閱人述河南道中逢賣兒女詩作此哀之

河南薦荒人作脯道聞哭聲賣兒女兒牽衣泣路側女  
挽母手淚如雨小兒值錢數百文瘦女一縑售無主泣陳  
此地重旱荒草根樹皮舂作糧迄今草樹掘已盡壯者逃  
散老弱尫無計苦將兒女賣可憐歲荒直草芥我聞此語  
默慘傷誰與牧者亡其羊飢驅亦賦垂老別天涯何處賣  
文活

寄姪孫元芳

昔年爾父越嶺表汝今亦走章江道一家倚筆爲生涯博  
得修脯難溫飽爾才衮衮旣清雋興來擲筆龍蛇繞眼看  
今歲秋花香蕊榜題名須及早讀書得暇時登臨滕閣秋

屏放懷抱文章奇麗江山助下筆有神風格老會當一吸  
西江波五老香爐筆端裊我今衰朽百無用閒把詩篇日  
探討望爾一躍造青雲收將做帶災梨棗此意殷殷或可  
酬竈突無煙亦傾倒

館中苦雨憶三兄蒼山

聞道侯門棄憑誰送酒錢帖應臨乞米琴已抱無絃破屋  
三開漏孤燈五夜懸未知蓬巷裏亦自有詩篇

簡蒼山

詞賦凌雲氣年衰病苦侵昏花餘老眼幽憤鬱孤心天不  
憐窮厄人誰惜好音白頭營一飯何用廣陵琴

送舍姪揆亭之廣東

舉家嗟豎立萬里海南遊負米親垂暮買田願未酬劇憐  
身世迫強作稻梁謀一葉衝風去征鴻伴客舟  
此邦稱富麗鮫幣語非虛珍玩人多溺生涯爾自如煙霞  
探勝跡風上讀奇書生荔傳佳品迢遙可寄余  
癡叔今何似愁城日苦攻蹉跎歲月憔悴老秋風著賦  
遲梁苑浮槎絕斗宮壯遊吾素志流覽思無窮  
此日鄉園別恩恩異地行勉擔蘇季篋遠歷尉佗城庾嶺  
梅先放湖山雁早鳴丈夫志四海行矣勿悽情

城西晚眺

日暮臨高堞江城返照中暝煙生遠岫秋水送孤蓬岸迥  
蘆花白林疎蒨葉紅晚山鐘磬發惆悵下西風

輓黃省山

負氣孔文舉高情賀季真一官終夔落廿載歷艱辛海內知名士湘干著述身論交肝膽露泉路共誰親

正月九日舍姪立貢告往江南

萬戶方家慶艱難獨爾生新正辭我出明日附舟行雪壓銅官渚潮喧鐵甕城眼看銜節近念爾獨孤征

含淚肩囊出憐余旅况身買臣方寄食王粲正依人瑣屑謀升斗艱難愧主臣此行當努力地下慰慈親自注立貢蒼山兄弟

子二

清明後一日偕諸兄出瀏陽門謁四兄新甫墓

北邙城郭盡層巒野哭家家淚不乾萬莽叢中埋憾骨百

花時節薦春盤魂歸幽室天如幕夢入高堂夜向闌廿載  
睽離思往事紙錢飛蝶墓門寒

門戶艱難要力撐嗷嗷家計累吾兄螢窗汲汲成終古馬  
磨勞勞畢一生此日全家酌杯酒何年孤鶴返江城鶴鶴  
原上頭多白桃李無言夕照橫

憶昔年逾十二齡移家哭拜重淒零自從不賣趙岐餅行

復歸尋車允螢自注余幼從先人移居城南窮極習販賣

荅山兄 受讀 謬齒芳蘭傷老大迎眸春柳倍娉婷白衣未改人

依舊鈿箔花飛不忍聽

春日登歐陽信本讀書臺有感

世事年華瞥眼空可憐白首尚蒿蓬人生不作奇男子名

字俄成無是公鐘鼎名家慙汗簡文章經國愧雕蟲  
化度今餘幾一藝猶難况德功

春感呈黃省山

庭花滴淚晚瀟瀟深院重門鎖寂寥倍覺春蠶絲宛轉况  
兼社燕羽飄飄  
終裁夢斷三更雨  
棣萼神傷五月蜩  
剔盡殘燈無限慙  
夜闌何處更吹簫

讀梅村集

便娟俊爽筆如椽  
拂紙滔滔萬斛泉  
痛哭少陵天寶日  
悲歌庾信小園篇  
出山苦爲才名累  
枕塊翻憐薄宦捐  
迫脅徵車餘一死  
至今遺慙在青編

捫蝨

賈馭清河廊廟材沈埋草澤奮風雷神州喋血王綱弛魚  
水同心霸業開捫蝨縱談煩大計臥龍齊軌抱奇才當年  
晉室無儔侶肯爲軍諮祭酒來

問瑩上人自辰沅來歸

踏徧辰峯杖錫飛萬山相送返柴扉嗜奇那肯遺丹壑到  
老猶能躡翠微潭底毒龍朝聽法巖閒猛虎夜知歸入門  
鵲噪都人喜日向長廊曬衲衣

題費雪漁洞庭雪釣圖

滿天風雪一漁舟望裏君山訝白頭閒向短篷吹鐵笛梅  
花飛徧岳陽樓

沈淮齋舊集卷第一百二十八終

沅湘耆舊集卷第一百二十九

新化鄧顯鶴湘臯編輯

湘陰左宋植仲基校訂

礪東詩老歐陽輅

古體詩八十八首

輅本名紹洛字念祖一字礪東新化人乾隆甲寅  
舉人有礪東詩鈔十卷礪東少孤所遇窮惡蹤跡  
落莫無常師其於詩也殆有天授九歲補博士弟  
子員卽好吟稍長與同里吳蘭柴孫石溪楊蓀甫  
諸君唱和甚富蘭翁尤亟稱之孫白沙自關外歸  
益相引重蓋吾里之詩其時稱極盛矣礪東家貧  
甚資傭力以養雅負氣不能從俗日事大絀其枯

稿樵悴流離困踣抑鬱無聊之氣一洩於詩久之  
以貧故挾所業出與天下士大夫接所至咸折服  
一時名流少能頡頏性野逸不修威儀敝衣垢履  
岸然公卿大人開劇談豪飲旁若無人人亦多矐  
就之無與忤者生計由此少裕稍稍能買田宅免  
寒餓卽閉門不復出躬耕奉母非力不食於人世  
一切并沈寵辱泊如也余與礪東同里聞其訂交  
乃在京邸礪東長余十歲余兄事之礪東亦以弟  
畜余旣饑驅四方會合無常或積年始一見見則  
先出詩互證礪東考詩甚嚴鉤核瑕疵指摘諱漏  
若申韓論事之酷不少寬假余每難之然卒無以

易其言也嘗言作詩當自寫胸中之天不期而與古合所謂非有受於人忽自得之今人過一地遇一人必作一詩豈吾胸中之詩哉又云作詩務苦吟切戒自怨一字未妥一韻未安必窮日夜探索以求改改而不妥則姑置之或屢改而不妥則竟削之工部詩聖集中政多疵類語其他更無論矣其論詩以品格風骨氣味神韻爲尙尤以簡鍊矜貴渾成無迹爲主次則講求音節嘗言音不調亦足爲詩累而深疾夫近日纖佻堆砌叫囂粗獷剽竊爲工之習其矯爲空虛枯寂以鳴高者亦不取也元裕之論溪南詩老以謂敬之業專而心通敢

以是非黑白自任每讀諸人之詩必爲之探源委發凡例解絡脈審音節辨清濁權輕重片善不掩微纒必指如老吏斷獄文峻網密纖毫不相貸如衲僧得正法眼微詰開示截斷衆流人有難之者則曰我雖不知書曉書莫如我故朋輩中有公鑒而無姑息者必以敬之爲稱首錢受之嘗引此以舉似程孟陽余亦師其意諡之曰礪東詩老冀天下後世有知吾礪東如裕之之於敬之受之之於孟陽者皆不以余言爲阿好矣礪東詩一刻於淮陽再刻於滄西陶文毅與余實襄校訂之役今茲三卷則其手定以畀余者礪東與余兄弟嘗有

耦耕卜鄰之約迄余官寧鄉礪東日望余歸不果

則亟促余兄召余迫余甫歸而吾兄與君相繼下

世竟不克少留以踐前約痛哉此余所以編輯礪

東詩不禁爲之涕泗交集者矣陶文毅詩礪東詩序畧云先生才氣

縱橫不可一世一舉於鄉類上春官不得意南走

粵北爲菊北山海關之遊生平博學多通其於書

一過日終身不忘爲詩鍊骨入聲融神於氣初從

義山以窺老杜昇而爲昌黎泥而爲東坡晚乃自

出一隊天馬行空神龍見首旣維且保而跌宕昭

彰如風水相渙自然而成不能辨其爲李爲杜爲

韓蘇矣余楚詩人林立近日如張紫峴周半帆謝

蘇泉周希甫唐陶山諸先生皆執耳騷壇而先生

以山林高臥各問海內一時名公詩老皆雅重先

生不遠數千里致殷勤禮之或不至捧冠草履吟

嘯於清泉白石間沈栗仲道寬云余來湖南旣盡

讀歐陽湖東鄧湘臯兩先生詩集礪東顛氣流轉

含章內映精思壯彩搏結無迹湘臯包孕羣有力

破餘地蟠際上下天骨森然兩君子雲龍相從如

韓孟蘇黃無以第其先後湘臯與余同鄉舉數年來雖離合無定蓋嘗竊聞其緒餘礪東邇日怡志田園足跡不出郡邑余又無由至其里心向往之但於詩集中溯回其言論而已

古意三首

飄風來無期適與浮雲遭相附  
萬里行未覺噓送勞與君  
秦與越本自兩不識一朝忽關懷  
眷念入寢室浮雲無定姿  
棲泊安可知陰陽有時改  
飄風豈常在

蘭蕙各自芳生事每不齊  
所望君子知移處同一畦  
誰言彼芻者倚鋤漫相規  
冥情見攜束雜以糞菜  
施歲華忽晚晚芳意從此衰  
徒然委泥滓何賴采蘋爲

讒口弄陰機白壁使成黑  
矧無曾參名而涉柳下迹  
生平烈士意百折終不回  
全心爲君傾不虞君見猜  
誰言江湖

遠波濤狂門限門限波濤深冀君知此心

和吳秋陽西征述懷

荷戈從司戎慷慨赴西征壯士義死綬有進無御行朝發  
阜蘭山嶽次居延城巖寒裂肌肉狼籍瘡痕腥中宵羽書  
至朝當趨虜營裹瘡裡前進壯氣轉縱橫我本吳楚士去  
家萬里程妾孀別我時顧之無慘聲豈不念家室所望邊  
塵清男兒處世間樹立功有成致身苟非道雖貴不足榮  
今年殺諸奴庶見西事甯但得附竹帛何論鄉曲名

遠行二首

貧賤不可久志士思遠行登堂拜母氏殷殷詢所經心知  
去無期強言計歸程驅馬出里門漸見井邑更揮手謝賓

友欲以致中情心牽慈母愛哽咽難爲聲兒生老鄉間身  
世終何成庶幾取令望歸以爲親榮

行行何所至乃至長安道長安古都會託跡非草草朝見  
冠蓋集暮見歌舞巧裘馬飾輕肥嫺戚多狡好顧我山澤  
姿夷之等備保窮年抱名刺四顧無可造人生各有得於  
義未容撓友能隨波流弓身以求飽

寄贈仲玉

晨坐默不語念子遠于役江湖阻且深矧乃鴻雁寂嗟子  
抱珠玉屢進不見直泣血難自明椎心出金石芳草惜良  
時美人感疇昔纏綿寫懷抱意苦詞愈惻俚兒但皮相謬  
以纖綺測何知貞士心字字吐冰蘖憂愁能傷人感感古

所斥天地豈不廣胡乃自跼踖北風在戶牖歲月亦已迫  
行看春陽來疑匪當一剗

示諸學子

幽蹊僻筍牆水檻芙蓉館夜軒臥清涼三直秋露晚勞人  
怯馳驅偷息就閒散賴得同心人日夕聊繼卷吾黨二三  
子器量各清展黃生氣軒昂鄧子頗勤懇仲端工作詩佳  
句能刻悍阿珍雖稍僻一隅解三反誰言十室中得此蘭  
盈畹相對數日歡坐覺百慮遣頗聞官牒來似有膠庠選  
州家舉賓與春律及初暖人才世所需此義古今纘品目  
雖餘事千百或一善古時官人士但以內行勉中間尙詩  
策猶以論說顯後來所程藝去古知近遠似聞前輩言未

免落膚淺市兒拾腐餘高坐獵鯁諸生守繩墨奉之若  
圭銑得失誠難馮要以心自獻假如非分得自顧已應赧  
我懶無關心未可一理喻晉之廢惰農已不事鋤墾零帷  
漢秋蚊容我蘇憊喘

羈懷五首

昔我來湘中春華未破萼依依戀故羣忽忽秋風作賓鴻  
揚歸翰寒韻起虛壑羣陰鼓殺氣萬類就零落客心方無  
舊周此百緒皆棲棲抱迷端對酒不成酌

跼蹐枝上鳥憐汝尾畢遭傷哉孤寒士菽水不克儲上山  
采葭藏泥厭沾我襦誰言終歲勞不給朝夕須始虞時無  
期轉有歸時虞人生處沈困何適能自如

日暮衆響，寂復烏亦已。甯吾黨二三友，清琴相與橫。我豈識琴意，但覺哀怨并。顧視坐上客，陶然有餘情。乃知憂樂感事固，隨人更揮手。謝吾友此聲，何足聽。

邨雞鳴不已，寒氣發慘烈。披衣行東廊，睽睽星欲滅。主人眷眷情，留我待佳節。雖非意所安，肝膈令人熱。履霜虞冰至，踰望知月缺。此意未可忘，此行難可輟。

兒時厭家居，有似戒羈縛。近與親戚離，輒作數日惡。男兒不得意，萬事付瓠落。棲棲送時趨，俯仰增內忤。懸知前期難，卽事聊自託。勗哉營歡娛，庶以慰雕索。

贈董生

子欲學齊語，夫豈無楚咻。丈夫貴勇決，不隨衆波流。黃河

從天來氣欲隘九州一瀉卽萬里安能顧山湫念子有骨  
力五年從我游同儕竊嘲笑屢招不迴頭粵犬駭風雪此  
輩奚足尤譬猶大兕角誰能直其觥愧我慙且拙曷當爲  
子謀吾聞古明訓有如事田疇豈無惡草蔓惟期力鋤糞  
要當恣覽索未可徒冥求如人狡膚革先用羅珍羞且聞  
古傳人匪直言語優外之爲文字內之爲躬修凡厥所傾  
吐皆與心神侔非身所自具言之爲贅疣非心所素了言  
之爲謬悠譬彼積氣盛發爲雲霓浮譬彼土膏肥發爲禾  
黍稠穰穰理心洩有來事斯酬以茲窮物變直若故物投  
取如在其宮引如探其喉乃知意理絀端緣心境齊治心  
豈他圖漸漬良有由念子獨矯矯猛氣騰貔貅至寶不掩

遇塗泥豈終畱鄙人坐窮舍博古談夔繇及道雖短淺或  
者一策收湘湖春正深氣候和以柔厝幾寫戀嫪相於懋  
薪樵

將歸資中寄詩大篤因

野夫忤軒纓熱士恥沈悶得失何足道特爲奉親計我如  
識蔣君卷卷獨心異觀其談論豪舉世在睥睨前年捧州  
檄同鼓省門柅謂君才與望豈復命可制豈知十上書憔悴  
困一第問名畧無人疵毀候已萃俗腸泥成敗瞽眼眩  
蕭憇伯樂不世出有憤向誰涕嗟余憐同病而我尤况瘁  
少來抱統縷逮壯無一遂倉皇邵衡道髮禿衣履傲輿臺  
厭甘肥而不飽蔬糲秋風肆飄颺驅迫忽三歲算來竟何

獲日此蹈憂悸豨膏運方穿於事固已戾何如縱棲遲衣  
草帶蘿薜已戒東鄰翁歸償買山契多君厚相存夜永發  
遙嘆

還家作

久客倦游轍落魄還蓬廬忽忽涼節逼秋風滿襟裾松菊  
就零落荆莽交前除卮酒不復把交游亦已疏當時感一  
諾意氣偕傾輸人事勤翻覆昔好今爲瘡少年各有志焉  
得同所趨區區抱孤介吾道誠爲迂感念成獨笑吾今得  
新吾

雜詩十首

颯颯暮秋雨伴晚四野昏山齋臥虛寂側耳聲轉喧寒鳴

湖漚瀉暗響山葉禁饑猿號空林烈風何軒軒百怪入幽  
聽勞我鷓鴣旅魂吹鋌坐前閣冥懷且孤捫

營營盤中蠅背作黃金飾誰令逐臭姿被汝好顏色納汗  
不自恥飛鳴意猶得喧聲腥穢場巧欲亂白黑入室苦見  
擾念當亟驅殛引手懼沾觸信爾如鬼域

凌晨宿陰露初日在東牖烏雀喜晴旭歡噪出林藪感彼  
飛鳴聲嚶嚶解求友生平素心人睽隔忽已久生存莫訊  
問死骨已枯朽臨風默三歎今亦行白首

鳳皇負文章鴉鵬豈其友麒麟秉仁義謬以狼豕偶當時  
迫坎窞意豈及遠久何知一蹉跌遂蒙畢生垢人生昧初  
謀立身復何有

來如秋後雁去如秋後燕來去心不謀冷暖意各變暫假  
笑且唬莫測恩與怨勞勞一寸心何由爲君遣

灼灼朱槿花顏色非不好朝榮暮彫落生意何草草凌虛  
浪投擲堆砌費除掃貞質苟不存華豔豈長保

東鄰昔豪華樓臺盛歌舞風波未十年忽已三易主何如  
西鄰子也歲守環堵蕭條數弓地傳自父與祖小人負而  
乘默默鬼瞰汝何爲日不足而以知力詡

古松生高岡枝幹何輪囷雲山阻荒遠無由致通津俚兒  
豈知惜縱焉從斧斤朝含霜雪姿夕已摧爲薪冶金不能  
躍龍性安可馴零落自汝分委身等荆榛

榮辱雖多門是非有同然苦爲世好誘逐物意屢遷豈無

白茅屋息我負擔肩經旬猶扃戶東牀晝高眠居鄰或相  
訝日夕無炊煙先生甚矣憊裹飯往哺施入門聞歌嘯高  
詠新詩篇男兒甘窮俄安肯爲人憐

四時迭更變大造日迴轉鄙人爲身謀汲汲苦不展整躬  
束仁義詩書肆游行艱難歷盤錯磨礪出瑤銑未事忠不  
明既事忠不勉時時執軌步未免及道淺尙思佩韋弦持  
用藥愚編

自新寧西城涉江索眺

沿流躡幽邃荒徑屢屈盤存想極遙契寓目多新歡始進  
造修渚乍深涉危湍俄爾臻遠曲俟焉改前觀駛波忽疑  
流烟林莽迴環隆隆陰巖深窈窕秋潭寒乃知造物工非

可思議殫險夷迭倚伏變態瞬息閒霜風起遼阜日落飛  
鳥還心賞得延眎因之致嘉歎

獅蹲閣畱題二十四韻

羣山環夫彝林壑極幽迥爭奇出變幻一一巧態逞茲亭  
誰所構擇地得要領橫空濶瞻矚始覺羣妙併雲山舊相  
識快我復見省有如良友別忽此接談營長江西南來高  
浪亘天騁餘波入渚嶼散亂作清影雙峯掩楓門遙遙露  
煙頂坐對金芙蓉春糶耀華靚客懷久塵土忽覺百慮靜  
曠蕩寄幽賞流連盡餘景熾芳擷蕪蘇澗碧窺藻苻款款  
就風磴冷泠激苔井前年涉江淮萬里行役永自懷甌鼠  
長謂當獲所請孤蹤厭攀援時論忌剛鯁風塵苦淹畱遂

與林谷屏邇來諳世途  
有似行榛梗日思追夙尙  
與境謝公殿一兩陽羨  
田二頃所至皆可畱吾道  
本無町  
幸謝賢主人爲我置笮  
簪桃花春漲深乘波泛  
孤艇

尋西巖宿鑑公山房

秋容渺蕭瑟落葉積盈尺  
羈懷鬱無已攬物散愁魄  
習聞西巖閒云有高棲客  
款幽造雲關徑絕奇境獲  
虛堂倚層磴直下臨不測  
洵洵風湍鳴乃自巖腹壙  
孤軒掩深巷僅託一拳石  
迴環出東廊始覺天宇闊  
諸峯在戶牖蒼翠俯可拭  
黃花正滿籬谷鳥紛唳夕  
山僧喜我至烹茶就林隙  
窺園摘新柔仰益汲深碧  
坐來萬慮屏令我忘行役  
三年客夫彝林壑偏游屐  
豈謂咫尺閒搜索有遺跡  
宇宙境誠

富涉覽徑苦窄始知身所歷未得誇深蹟夜闌宿前楹山  
月照窗壁淒淒萬籟鳴良宵助吟癖

病中喜季弟見省

久病習林臥踰月弗出門倦客寡酬對巷無車馬喧季子  
何自來款我桐槿藩嚴霜凝遠道積潦迷郊原而子悍不  
顧浩浩征輪奔入門相顧歎驚我病僅存我病不足惜但  
念清與溫聞言老母健近能稍加餐昨來正冬晴負喧弄  
諸孫感此覺欣慰忽如解重愆兄才固駑拙抱憾窮朝昏  
慙負八口望疲勞就籠樊千里肯來辱愧爾性誼敦良夜  
瀉懷抱媿媿江濶翻聽之忽開顏屢舞傾匏酌吾家自祖  
父世以清厚論固宜有後澤蕙本生枝蓀共矢步軌迹兼

之最諸昆我病亦偶爾勿用相愁煩尙思理匣劍一濯塵  
沙痕

詠史二首

劉安妄男子一行無可傳憑藉先人業列身侯王前如何  
忽昇舉雞犬皆得仙豈繫天上人不問愚與賢  
郅攸自有子縈之使莫前彼自斬其嗣天道奚昧焉異哉  
殘鸞人謬爲愚所憐乃知盛名下貞邪正紛然

秋晚歸彝江僧舍卽事

窮秋歸舊山沈埽埋塵埃過征在首夏及來氣森爽蕭蕭  
蟲鳴壁 蠶蛛在網天時感更變人事念疇曩生平野鶴  
姿所志在疏敞涉道苦不深一往落欺罔從茲識得喪不

受浮雲廷北山吾所念新雨滌榛莽貪追木石奇幽逐川  
澤廣鄉園卽勝會節物有餘賞吾儕眞小人鼓腹擊堯壤  
將之南寧道出恭城謁孫表叔佩聰明府

我行發資中秋陽有餘威暨來西粵境秋霜點人衣道路  
雖澗阻丈夫志翻飛區區楚粵閒視若咫尺違吾叔國之  
老早摘領底髭牛刀試小割一洩抱負奇六年宰恭城日  
以琴鶴隨自注表叔有但閩邑中黔俚俗咸相宜鳳應太  
調琴餉鶴圖

原集簾覺山陰垂公庭澹無事豐草生盈墀側聞此州俗  
簡樸無險巖使君况長者詎肯煩鞭笞我行殊未央遠在  
天南陲雲煙望家山脈脈有所思老親倚門閭日數迴車  
期步履強自振齒髮吁早衰幸託猶子分敢致中曲私時

因南來雁投示音塵知

送劉勉赴粵東幕

曼倩秉星精玉局出仙吏當其墮謫時風塵雜遊戲我如  
泛駕馬遠抱千里志鹽車困鞅絆局促意不遂君從湘中  
來蓬梗猝相值卒然辱誇許謂可重遠寄榕陰滿庭除汎  
掃闕幽遠夜鏡仰清話午甕接歡醉主人抱夙知自注謂  
祝與亭  
投分始嬰穉以茲共披傾畱連遞月季惜君忽分飛又  
戒東遊騎五管足賢侯百爲急羣知 朝廷恤民瘼課最  
望宏濟亦賴從事賢嘉善矜不類行矣春華深卉物正青  
翠聊憑簿牒煩一試綺囊秘

李敬之比部憶鶴圖

有引

李少鶴憲喬東魯詩人以孝廉任粵歸順令與比部交  
莫逆常居停比部家少鶴死比部慟之爲作此圖凡松  
竹各一叢蓋倣李棲止處也

松竹亦不多結念每在茲爲此一畝陰曾是鶴所棲鶴去  
杳何許清光故依依卮酒誰共把素琴誰與揮流景若更  
箭寒暑忽再期脈脈此終古鶴兮汝予知

病中蒙錢學使餽問備至賦此爲謝兼呈同事諸友  
駭愕備幽怪漬馱極氛垢重以蒲柳姿脆懦異稟受自然  
集諸妄疵癘日相守前年北歸來積月困樊口去歲臥夫  
彝夏五逮秋九病與主人習相處忘日久紛然倏來往如  
蜂自投牖男兒壯無成於義當速朽自哂眞鴻毛何足計

簞斗顧惟親年衰稍特供豆糗敬身昧古訓伊誰執其咎  
乃荷名公憐珍惜意特厚更勞同事賢問察迭先後感激  
春溫生陽和溢肩肘馬齒幸且強終作曳輪走敝輦逢孫  
陽翹首容一吼

次韻酬簡季壽明府見題拙集卽送北行

夏雲竦危陰灼景動遙畏行塵捲修途猗颺煽炎氣賤子  
怯趨熱一室作幽避本自疏慵姿不枉賓朋騎以茲稍探  
窮金石事娛戲賢侯何自來念我獨賴至野夫作延款門  
隙屢窺覲何知素心人酬對故簡易開懷互傾聽吐論各  
適意新詩寫郵箋舊句檢行笥君才如波濤瀕洞不可器  
世論何足道豈得懾嘲詈貯帛緣苦寒美芹匪知味

自注  
來詩

中語意 此語誠良規探道得真秘我始交秦綬君已拔趙  
如 此 幟欲言復何加極狀滋不類歲月日流邁心計抱毅愧正  
如繫鞬鷹有翼不敢恣伊君方翱翔高翥蕩兩翅民社寄  
摩豈干鏃試鋒利所望仁聲流錫賚逮無置風窗把君詩  
遠道慰疲瘁令我枯寂人重有壯往志何由悉中忱庶用  
占筮貳

奉酬敬之郎中喜同汪司馬過訪

幽人寡世累坐擁千卷書時借素心侶樽酒相與娛空庭  
納秋爽風日和以舒霜華正繁曜池波亦縈紆渺渺寄遠  
鵬秋山在前除以茲洽幽賞怡情暨禽魚清詠寫懷抱嘉  
言吐芳腴汪侯絕代姿詩筆琅玕如吟聲互酬答傑句相

嗟俞但覺一室荆春陽生四隅鄙人復何知辱以忘年俱  
高揖別賓坐居然見誇譽乃知氣類感誠磁非所逾庶幾  
厲明望終言抱區區

胡徵君度言其先參政公有萬卷書樓後燬於火思  
復成先志錢學使爲繪萬卷樓圖并屬賦此

士以吟囚窮鬼以帝墳哭造物忌盈盛此事尤所觸胡侯  
眼如電一覽百行屬辛勤五十年憲憲抱遺躅正緣讀書  
多世徑往軌蹙胡爲厲古好屢阨不自曲棲皇桂林道風  
雨枕榔谷一樽接歌謠百轉發談覆爲言參政公早歲尹  
南服宦囊澹如水但有漆盈櫝廉泉之所餘幽篔簹發清馥  
念以貽子孫作銘矢來告自注參政有萬卷樓銘詞豈知熒臺火災及

棗梨族逮昔百年餘憾癘猶在腹君又啖齊蹠如富不可  
幅邇來出所藏已足汗百犢尙思祖德永未免見盈縮誓  
將返舊觀歸老肆編錄老郎好筆力繪此林下屋萬峯疊  
相向千里森在目我家湘山陰二酉伏其麓亦有先人廬  
列架插圖軸經年未還山蟬鼠已知酷因君發遙慨感我  
似奔鹿

送錢學使罷使還都四首

夫子罷于役使車云北征飄颻西南風吹我雙霓旌九衢  
埽重陰駟馬鳴和聲粵水極縣邈楚峯浩縱橫三載此游  
處溪山俱有情似知使君去宛轉相送迎厚公眷眷意前  
驅且遲行

子弟遍閭里長官亦父兄但使和且靜豈必赫赫聲粵西  
十二郡憎好非一情伊何術之施皆賢使君名使君笑且  
謝此言非所甯愧我教未率或又知不明被人復何語但  
留使君行使君不可留 王事有期程

離離枝上花落爲水中萍英英國工材析爲爨中薪丈夫  
未得志流俗爭相傾舉足得疵咎含瘁不能聲賤子從楚  
來蹙蹙歲再更豈知太行馬忽對孫陽鳴人生感知已愧  
勵百念并悠悠望千載此意良獨盟

偉人處一室遠有四海情宇宙屬有事艱大須衆擎攬轡  
望天末西南方用兵傳聞襄隴閒屢歲不及耕今年復河  
決漂溺萬計丁 君王急延訪納策坐邇英側聞古臣訓

引喻務盡貞公腹有奇畫公地處要清望公贊碩算行矣  
公勿停

寄題季壽明府松石圖

哲士佩玫玉楚客歌芳蘭借之以自勵非必懷與安吾友  
古君子世味白眼看如石負奇特嶽嶽不可干如松挺勁  
姿矯矯虬龍蟠寫此寄觀省矢志期不刊展圖對清畫古  
色紛爛斑我懷邵陵道松菊蒙榛菅當時枕溪石積雨生  
苔癢行當稍誅翦歸聽風鳴湍期君脫簪後策杖相追攀  
闕凌山我與我周旋圖作二像並立狀索題

大道本無我我與人同塵至人取爲我我自全其真我知  
我爲我我以我自珍人亦各有我我我非我人人真我非

幻我主人豈寶悠悠三萬場同此清淨因我初識君面頤  
然和以醇重覩畫中像兩我雙岫嶙益以君之我三我同  
一身異哉一室內與此衆妙親卮酒且同把筋漆聊共陳  
定知松竹裏吟嘯無虛句我緣不知我故我日以新因君  
悟微旨歸我初生淳

李太守夢警圖

人生墮塵夢如寐未及曉夢中復爲夢魔魅紛相擾夢吉  
暫自喜夢惡忽如擣生無百年身結想窮浩渺沈迷不復  
寤變幻日益巧甘如夢食蔗苦若夢食蓼豁然夢醒後甘  
苦味俱杳天魔爾誰索天女爾誰攬可知彈指閒消滅若  
塗潦達人洞世變寂寂抱虛皎寄跡鴻濛閒貞性日長保

敬之郎中招同諸同人自宋氏園至華景洞小集分

賦

我尋北城花飾序惜已往東風復多情吹此新綠長客心  
懷良游林步馳遠想焉知前山轉咫尺出奇賞距郭亦不  
遠有寺徑尋丈北山枕其陰一洞覆如盜始行訝逼仄繼  
進造幽敞俯循重扃入斜穿旁竇上維時雨初歇軒豁露  
林莽危欄倚層空四顧窮曠蕩羣山東南來高植巨靈掌  
迤邐不得盡作勢忽騰盪此盤乍迴顧鵠起突前仰煙霏  
變百態青縹出萬象天公豈有意作此巧伎倆悠悠蠻觸  
場亦以貶吾黨莫辭一罇酒盡醉倒巵旒歡懷送嘉言高  
和答清響往謝山中人爲我理塵埃吾行乘飛鴻抗跡訪

松廣

北城看菜花作

粵中雖瘠土民俗頗勤黽近郊百井地種菜連四境春深  
雨初過新花發柔穎散若金瑣碎搖作浪騰騁萬隴黃雲  
飛歷地布濃影漫漫墟舍閒迷不測畦町我聞圃與農作  
苦畧相等小人食其力循分無外幸日夕得所需亦免倉  
猝警不見於陵子負器甘遠屏不見漢陰叟抱甕出幽井  
此味吾所諳此業吾可秉安得太古鄉往置田二頃

季壽明府野服畫像

陶侯湘中來旬日接娛宴出其圖善藏中有三尺絹阿誰  
好手筆寫此巖下電精爽入毫末形韻勝兩擅賢侯天廟

涉清齋舊集 卷第一 百二十一 九  
姿纓紱行已薦卽當補朝裘肅肅載戩弁何爲作野服笠  
草履青穿乃知賢達心榮膺非所牽古來知道人不以貴  
渝賤韋粲爾何人作此領軍面吾生百無成如溺不可援  
落身邱園中所望友朋善何當占炳蔚一試君子變

書懷贈周素夫運判

岷嶓導江漢本自一源出分流數千里復共東南折人生  
氣類感不在秦與越何況枌榆閒一水衣帶纈我生抱迷  
懷寂寂守經帙凍蠅不能飛引身落蓬蓽親知暱情好瑣  
技謬見撥陳平家雖貧巷有長者轍英英陶夫子自注謂  
季壽  
持躬若冰雪生平風塵中百眼不一刮獨喜偕子遊念之  
甚饑渴每聞談君詩三日爲耳熱窮秋我南來塵鬱思一

豁何期阻良會君車復西牽棲棲豫章道相望楚天闊寒  
雲凝朔氣風雨浩喧突所見無可娛一室絕迎謁但懷君  
子至爲我破愁鏞淹留迫冬季晦朔兩更迭忽問君南還  
走乘爲我屈我時臥旅肆朝髮未及櫛奮袖起塵榻傾喜  
欲顛屨家園近何狀松楸想甯謚自注君以奉諱歸葬適返握手相慰  
問刺刺不得輟之子真古人局量甚宏達乃知昔所聞十  
不盡七八以茲日詣君蘭蕙肆披拂新詩遞吟討簡籍共  
披抉賓友爲我招茗醴爲我設蕭散解巾珮雜遝列肴核  
酒酣望天表華月湧銀闕五神欲飛動壯思忽飈發宇宙  
喜清廓妖逆就殲滅皇皇天子聖德網獵羣吉古來  
將相起或出厩養卒國計在得賢不以資格黜隴蜀經寇

亂瘡痍待收卹繫君齒方壯意豈下時傑于將不適用不  
如一錐挈投身艱阻中始見利器別北斗指神京扶桑望  
溟渤浩歌撫長劍肝膽爲激烈

李茂才攝山聽雨圖

濤聲令人壯雨聲令人遠幽人抱情懷託興殊不淺李侯  
攝山圖老格極疏蹇方諸一痕水落紙埽林巖森然雲氣  
作蛟蜃走蜒蜿縱橫瀑溜飛散漫不可覓濛濛煙霧中暝  
色起秋晚迴颺忽吹散新翠滿庭苑泠泠山泉鳴撼撼風  
葉捲想見新涼生琴書對清展江南我游舊勝跡憶登踐  
因君邱園興增我思繼卷

徐司馬餞飲螺墩因賦畱別兼呈吳二博士張三太

史周大運判

金風起林杪漸作落葉聲川原展臨眺已覺秋氣清徐侯  
惜分手饒我江上亭提攜得素侶曲折窮遙汀茲山締造  
初使君實經營當時手種樹大已合抱盈植物爾何知慰  
此灌溉情君看欣欣意似爲主人榮惜哉歸計促不復尋  
此盥舉酒屬印友念此風中萍請君作新詩淨掃苔石青  
明朝各引去相望空伶俜

留別素夫運判

江城雨初過微涼起天末征人懷前塗驅馬向晨發臨歧  
握君手不能一語達惘惘但相顧欲去不得決吾生何足  
道子身若冰雪念子少多病使我腸屢熱子雖侍重闈政

苦一身子艱難望時事作計未宜忽迴風西南來倒景在  
林樾丈夫重意氣置此且須別揮手去不顧江水爲嗚咽

奉酬天擎表叔見懷

當代不乏才吾叔氣無雙縞紵訖四海望風千輩降我始  
毀齷時聞聲已碎鋒暨來三十載覩此鬢眉厖典型仰前  
輩臭味接馬龐望洋挹其瀾春流浩漭從我有城東廬小  
若十石艘雜遝塵滿壁低斜竹支窗公來坐吟嘯鐘鏞發  
洪撞古綺出墳典遺象徵翻幢山海鬪奇怪風騷奏琤璫  
其餘百家說瑣碎相牽扛霜月照薜蘿簷風動秋釭更闌  
不可了仰見斗插江我以負米故千里走異邦一朝各引  
去倏如水分缸濱城少年儔積習趨雜隗衆同厭獨異吠

聲起草龍平居不稱意忽忽如春撥倚我懷遠詩幽言寫  
蘭注我時下昭挂扁舟阻滄瀧卒卒不得報三赦知我瘞  
比我南游歸足音喜登菴一樽就斟酌白醅倒寒缸嗟哉  
世塗艱巧護無什逢奔走不一就老大徒慳慳安得少與  
展婦迹收行驪與公北原上買田自耕耰

趙給諫

慎吟

慈竹長春圖

成立母所期別離兒所難以此兩念并進退難爲安君持  
一束書來趨供奉班五年罷廷試白筆簪爲冠蘭省處近  
地古稱清要官側聞之子賢清聲滿臺端由來一經訓疇  
昔慮所殫生平祇承意詎以遠見寬煙花京國辰風雨湘  
南山兒職有所守兒身不能翰兒心在母旁日侍寢與餐

茲圖寄遙意對之思漫漫萱草繞庭砌竹柏森以蟠凝神  
入圖畫如廁諸弟閒冢婦奉匱櫛童孫采陔蘭似聞溫清  
餘已接色笑歡乃知游子心一日百往還誰言章服尊故  
是萊衣斑小人亦有母藜藿常不完亦有小弱弟稍能慰  
衰顏自我京師來三歲更暑寒俯仰內自傷心緒如驚濤  
男兒奉其親舉足防尤患前途浩無涘懷哉人事艱相期  
勉令德矢志以不刊君看北堂春旭日光爛爛

夜坐懷素夫

高齋坐時晚奈此秋意爽池波散清光林風捲虛幌伊人  
去湘水徘徊白娛賞煙波懷良游歲月忽已往鳴琴寒柱  
御濁酒空載盃欲彈誰余和欲酌誰余享悠悠孤飛鴻顧



翰墨場出此巧娛戲國史聚廊廡借力人一臂有如曲江  
游妙合五家隊又若韓孟吟兼及張李輩紛紛谿谷滿漸  
漸松杉蔽漫漫峯巒青忽忽煙嵐晦乃知拙與工各有天  
機在縱橫尺幅閒揮灑了無礙鄙人懷往游坐覺面嵩岱  
森然入深冥眩眼不可睽聊舒鴻爪痕寫寄石苔翠杜集  
編嚴詩自晒真濫廁

題慶中丞瀟湘水雲圖

幽絃鳴遠心日落瀟湘永江天一氣清雲水無盡影露華  
滿瑤草素月出重嶺微茫指川途約略辨歸艇蒼梧在何  
許日斷長煙靜含情竚中宵秋河清耿耿

高恪勤公金篋工筆碧城圖爲哲孫少府賦

樊桐一片雲化作金世界誰言秋毫端中有光明在蛟胎  
蹙霜紋古墨出光怪精爽動冥漠一髮引千態恪勤昔擅  
名指法立宗派自往恪勤以指法鳴天下何知矜慎意故自守前輩孫  
枝亦秀出落落與時背邂逅嶺南道日夕接清話神仙不  
可期淨境在宇內披圖撫靈蹤因之寄遙嘅

葉方伯招飲虛舟

晨雨滌煩溽衙齋肅清敞使君有嘉招置酒此娛賓開軒  
面迴櫺列坐就虛幌簷飈度輕涼庭樹送微響主人國之  
老暫寄牧伯長談笑了紛躡端居靖塵埃暨茲長日暇復  
此夕氣爽歡言佐醅醕古義備羅網誰云川澤姿溫語辱  
掄獎傾懷付沈冥身世原曠蕩

雜感六首

君子懼失已達人守其順情哉長卿才乃因狗監進憎愛  
雖多途得喪真一瞬奈何牽世榮汲汲以身殉

仙人非塵人偶逐塵世嬉恩跡流俗中真性終不移寄言  
西家子瑣瑣無見規卿相且不顧安識屠沽兒

屠沽有酒食誼士常忍飢直以知恥故習苦甘若飴褐夫  
睨一嚮趨趨伺顏辭報爾幸不死爾生徒爾爲

神龍抱變化濁士焉得知可笑沈諸梁遂爲蜚龍欺宋人  
寶燕石洛客甘蟊螟真識既不存厚薄安所施

心事思貯明目事思辨色官器無一靈乃以耳爲食平時  
誇佼佼謂爾傭中特故是常傭耳何足辱雕飾

青蠅無停飛自負金色妍秋蚊不知足鑽刺如風旋奈何  
所憎物曰接耳目前安得下帷坐一絕聞見緣

題祝三兄方伯此靜坐圖卽送之滇藩任

烏鵲不黔浴黑白出初性本心非所安意往百不應古來  
知道人御物以天勝譬如波中月波攪月自定先生抱澄  
懷本不與時競偶然隨塵趣出手斷邦政人言纓黻場汗  
雨奉條令豈知重遠器故自冰雪淨泊劇若泊簡意緩報  
乃輕聲色了不動萬族在涵泳從公二十載屢見塵生甑  
悠悠燕粵郊草木知愛敬滇南天萬里肅肅拜 新命吏  
民俟叔度閭里相勞慶知公臺省望計日當返乘歡情雜  
離緒聊作別言贈

朱學使方增就學署隙地爲園亭招諸同人落成

六寓無棄壤百類無棄材位置苟得宜咫尺皆瀛萊昔我  
粵游日此閒屢徘徊豈謂蓬蒿餘倏忽成亭臺邈迤盡欄  
盡曲折幽徑開嘉樹參差花古石斑斕苔咄哉席許地得  
此衆妙該看君用意處已見經世才暇日共吟覽春釭倒  
新陪留賞不覺暝飛英浩成堆秀峯列我前落影入我杯  
舉酒欲相酌玉山先自頽青春夜方遙急鼓且莫催短韻  
紀良會詩成聊一咍

黃學博江村竹閣圖

人生粗自給家食可以老但惜置家處難得泉石好君家  
滄江濱林壑故清窅開門對西山百態變昏曉怪君叩閤

心眷眷在懷抱如人憇思噓一息不可矯生平困風塵脫  
身苦不早讀君畫中詩增我鄉思繞君詩殊豪雄似未山  
澤了債債用世才已露意言表藤蘿雖縱橫非以絆騷裊  
待君名成歸傾情肆幽討

雨後東郊卽事

宿雨得新霽鳴禽有歡聲策杖循江臯花柳亦已榮荒村  
人跡少但逐牛羊行縈紆下平岡始見炊煙橫彼居者誰  
子幽蹊滿榛荆柴關勿輕叩恐是羲皇氓

山居

冥心就林臥久與人世屏愛茲風日清起步庭樹影眾芳  
候焉綠蜂蝶亦已靜流鶯尙多情伴我吟畫永半生逐風

塵節物廢尋省茲旬得從容撫事良自幸百年知幾何石  
火纔一炳胡爲日卒卒萬慮恣馳騁南山當戶牖百態弄  
清景想見山中人窮年在靈境方將理松竹稍復翦荒梗  
卽此足優遊何必在箕顛

朔風一首贈子立

朔風吹凝雲良會儻已逾歲晏霜雪盛君子復何如志士  
多遠懷匪直耳目娛眾口咤沈寂相爲胡乃疏撫身惜餘  
景茹辛甘以趨冥行悼無侶卽友信所須縱心有遐寄伸  
情非一途持此訊遊躅因之致區區

憶昔百韻

憶昔歲甲戌我從都門還單車挈家室行行出幽燕是時

滑州亂官軍正雲屯行旅多戒心中途屢迴旋稍逢南來  
人攬轡呼與言君來經幾程此途甯可前皆言賊已平

大兵今反轍前路幸免患但苦竈井涸曉出廣晉疆浩浩  
腥風扇賊黨死道旁稠疊身首駢小人樂禍亂不顧骨肉  
恩舉族付誅戮甘心爲鬼燐百死不塞咎此屬何足憐驅  
車舍之去舒懷眺川原勞勞復旬餘道里計以千歷歷所  
見聞駭愕難具宣西南指汴汝迢遞井邑連濱河望村落  
百室無一椽問之迫饑餓衣履率已捐挈瓦賣富家苟且  
營一殮去秋河南饑比屋各徙遷今年聞麥熟稍歸就田  
園而枯無人色老少相扶牽心知無所之俛俛圖少延漫  
漫沙礫中滿耳聲啾喧長跪向來客引手乞客錢甚愧屬

望意苦汝人數繁客行亦有期豈能爲汝懸戒車勿傍汝  
傍汝慮汝顛戒御勿叱汝叱汝懼汝眴厄汝非我故濟汝  
良無緣掩面不能視爲汝心怛然過行過堵陽旦夕臨襄  
樊此邦舊富庶始見魚稻鮮方城與漢水險要古所傳向  
來豪猾輩往往爲藪淵捨輿就舟楫冀息疲憊肩暎身肅  
葦閒浣滌暫自便所虞伏莽戎驚我漂泊魂風鶴入疑聽  
竟以無安眠矧又楚南旱酷熱如蒸燔洞庭淺可涉龍堆  
露其根山農苦焦灼隆隆桔槔翻伯什各自羣不救驕陽  
輝客舟失故道日逐亂石穿長年倚檣立相顧無敢先生  
平窮薄命百端困騰掀豈意險難中數口得自全乃孟秋  
月朔我行歸里門登堂拜母氏仰見色笑溫絮語問寢食

強顏慰悲辛或慮寒煖失兼恐步履迤去家近十載離緒  
紛無垠乍喜瓜果共始覺懷抱申須臾展重榻次第延諸  
昆周詳訊時事瑣細煩披陳乃知吾里災尤較他鄉頻閭  
巷不粒食於今已三年曩時膏腴壤半作萊石田嘉穀不  
生植稂莠青滿阡澤儲盡螺蛤山實窮椽椽草根與木葉  
隨意遭烹煎居人死羸瘠日見溝壑填沿門驚兒女莫肯  
升斗援吾鄉本瘠土况乃歲事愆嗚乎彼何辜罹此凶耗  
辰邇來又七載水旱仍相循平民既失業盜賊盈四鄰唱  
和入廬舍拔刃仇主人公然肆焚掠不聞晨與昏懷詞訴  
公庭翻觸官長曠不持一錢來誰當爲爾平胥役言之官  
彼富盜賊貧盜賊不足問請惟彼之詢孰云其詞直觚可

破使圓坐以誣善良彼詞安得伸明且官吏來手攜官牒  
新昂面作訶罵威怒疑鬼神呼號索酒食指顧空雞豚徒  
侶責犒勞千百論泉緡鄉曲無賴徒居閒肆欺諉百端亂  
黑白一氣相鉤聯彼狡反無事晏然遊市廛猶復恣諧笑  
攘臂誇輕儇可憐里中叟逐逐城中奔問之涕垂頤欲言  
聲復吞有罪不見詰無罪乃見論子弟昨就拘官怒猶未  
悛投老亦被逮株連及媼親不惜此身死何由雪幽冤

朝廷恤民瘼誼等子若孫豈謂可魚肉惟汝削與股古來  
議弭盜事在清盜源賞之有不竊况乃罰殛存所望郡縣  
良亦賴牧伯賢不見虞城令苦井成甘泉不見蘇孺文貪  
夫失其天杞人抱愚衷風昔心拳拳含慙不能噉援筆成

酸呻翹首北斗高我思正緜緜誰能採風謠爲我陳此篇

南溪課耕歸獨酌書懷三首

今晨喜晴煦川塗展游行行欲何爲言省南畝耕新禾  
被邱隴雨澤亦已盈屈指及來朔歲事常有成連年困饑  
歉比屋多戒聲閭里苟無乏亦免夙夜驚乃知衣食累賢  
愚同一情疇能遺物好獨無身世營

日暮農務散歌呼滿墟陌偶逐樵侶行遂歸林下宅棲鳥  
在庭樹新月上簷隙空廊交荷風爽氣生几席妻孥具觴  
豆菹筍滿黃赤移歡就清曠卮酒聊自適我生豈不足胡  
乃百慮積所憾無可談耿耿懷在昔

在昔吳與楊吾里稱聞人孫侯自北歸意氣絕等倫晚交

法苑珠林卷第一百二十九  
得鄧子肝膽久益親自與數子遊縣延三十春每見必相  
就每聚必決旬諸老既化去鄧子亦遠竇此意誰與俱老  
病日見錄庶幾肆吟覽無爲頻怕神

答客

屏居甘家食疏水可以娛直緣疏懶故所需良易圖朝行  
涉田園夕歸對妻孥人事既罕接冠珮誰見拘今年頗豐  
收入口粗有餘主婦媚其夫漸能辦雞魚昨晨聞打門力  
子僕歸自郭手持徑寸牒云了公家租老夫豁懷抱甘寢  
至日哺覺來發長吟灑筆滿黑朱此樂豈易擲何爲復  
驅君看羲皇氓焉識咎與譽

送羅學博之堧歸長沙

破曉不成寐送子江上行西風吹落葉颯然秋氣盈識子  
狂初夏落落神宇清歸來誇友朋邑里得所型以茲奉往  
復屢赴瓜果盟歡言遂彌旬益使懷抱傾山居寡酬對旦  
夕懷友聲生平縞紵心時有離索驚豈知歲未改人事忽  
已更風鈴喧前除征馬向路鳴丈夫萬里志放眼輕八瀛  
况子用世才詎可咫尺程嗟我葦門臥老病日見嬰無由  
共攀越別緒空屏營

次韻酬周明府寓齋蘭盛開招同諸君子過飲話別  
昨夕聞嘉招起坐卜鈴語明當得傾飲定似井洩村淩晨  
忽大笑造物真戲汝急雨絕衢路一飽非易與豈知賢主  
人先事早籌處相期謝纓束勿以巾珮苦單衫布履襪泥

潦所莫阻天工雖幻相此行莫予拒入門不暇揖一笑指  
廊廡吾家衆國香暫此託廬旅前宵一萼破才似雞舌吐  
朝來忽競發燦爛不可數徐徐清芬引獵獵輕葉舉似知  
佳客至脈脈寄心許年來困敲扞簿書日旁午豈無佳節  
候未得窺園墅今辰稍從容聊復集賓侶秋芳適可把涼  
月方在戶以茲奉斟酌寫我別離緒此邦舊民俗未遽遠  
淳古伊誰肆股削而使失其所所以欲引去反我舊林岵  
使君信賢宰誠意流肺腑時論方需才此詎豈易覩惜哉  
限令甲去住難自主挽留吾未能未免愧閭伍今宵且沈  
飲餘事勿撓沮使君當大遷薦牘已在敘他時緇州郡終  
亦庶吾土屈指當不遙諸君且凝佇

贈張靜安學士家集

西鄰有佳人窈窕得正色造物定何意才贍命乃隻廿年  
躡槐黃不入官錦格但聞李修古除目甚赫赫去春直銓  
典分合捧色撒翻然上書請願以學博易廣文雖云官窮  
歲嚼冰蘂賓朋競沮笑族黨或交謫先生顧獨喜促促理  
行策謂此椀豆苟賴可守遺籍吾家昔盛時車轂百輩赤  
塵土視梁肉皮幣禮賓客至今昆季行筋力困繁劇先澤  
幸未衰憑藉已非昔好官多得錢思之竟何益庶幾寄冷  
曹或可免詬責古人以道仕意在展宿積吾仕爲貧耳固  
宜安抱擊先生真達人此語頗自匿生平孤介性有力過  
賁獲風塵玩物變耳目亦飽歷歡顏聽皇琴按劍睨白壁

紛紛纓紱場情態畧可識安能俯鬢眉出手就人炙古梅  
雖小縣絃誦連巷陌亦有忠信才執贄待繩尺聊收拏雲  
心小示踏泥迹豈曰力不任平而此姑自息我老無朋儔  
抱影對蓬壁不謂君子心眷念逾嫺戚常當奉休暢慰此  
暮景及春秋趁良辰山澤送遙觀興至命歡觴狂來灑吟  
墨勉作十稔居爲君數晨夕

寄酬左仲基宗植學博見懷

紫居屏人事枯坐閱朝暮忽在故人書中有見懷句開緘  
瀉瑯玕炯炯肝膽露恍然琴樽旁饑渴相與語生平守茶  
蓼於世了無預直坐不款曲積毀漂叔煦子兮胡爲者懇  
懇獨見注長言致中情未惜投贈屢華鐘鏗洪撞足使萬

口喏何知碩士胸轉極褚縷慮我老詩力退近又抱疾痼  
促促無好懷何由躡高步風塵方浩蕩旦夕卽遙路悠悠  
千載心期予以無斃

譚郡伯

光祜

招同張學博曉出雙清亭餞飲程學使

恩澤

晚集郡齋紀事

雙溪交清流千巖上春姿江山有如此賞心良可知使君  
懷公程征軸方在脂郡伯地主誼饒飲江之湄嘉鱗薦新  
材芳醪泛清卮假茲一日娛慰我千里思迴風吹溪雲岡  
巒滿晨暉川光雜林影參差落人衣徘徊暨亭午松杉屢  
陰移主人惜良會請首東岑歸倚齋更置酒開軒面坡池  
賓從二三輩妙簡皆英奇疊疊接元論奕奕傾古輝歡言

不滿望昏鴉已盈枝古來勝遊地名以賢哲垂懸知百載  
後金石誇邦耆賤子耳學爾末契謬見推勉率奉高矚  
應曹郁嗤

題楊簡州 息園

前榮緬林杪意可咫尺接豈知敷弓地蠡道乃百疊丈人  
棲託處松竹皆玉立雲嵐扞戶牖爽氣遍几榻半生懷家  
園但挂馬曹頰今晨撰遊杖始得著屣踏客來但飲酒世  
事慎勿涉坐我巖下屋條我井畔渌裴回得心賞引興到  
刻蠟聽君醉時吟山谷響四答生平拜龐老胡乃戚黨洽  
定知德公意未厭往來沓西風撼林莽歲序行及臘相期  
春華深幽徑當更躡

書陶中丞謝渭河蜀輜諸集後

儒術匪迂阻直爲妄夫累金椎別人頰顧託詩禮器不然  
狙猿杙或抱咫尺義徒焉飭冠組中乃植盲晦區區官朱  
墨而曰汝其濟惡知所將持曾不逮駟僧中丞今偉人賢  
聲徧海內完然經世材豈復名一藝頃年東南災拯殖屢  
萬計但聞彼都士頌口莫異致乃知稽古胸因具無量智  
譬之有源水傾漑了不匱文字餘事耳然且古義備想見  
周詢時念念切民事妖星出隴徼河流屢崩潰時事方殷  
繁收輯其可易讀君子役篇感觸聊一喟安得飛縷人參  
錯皆結輩

題鄧子振顯鶴

西園雅集圖卽寄子立

顯鶴

兼致沈

栗仲大令 道寬

睽居憶曩遊，瞥若過眼電。斯須再晤難，何況接娛宴。鄧子好兄弟，早譽邦國徧。豈惟擅風雅，至性實無間。頻年冷官署，晨夕屢歌拚。依依驂之靳，相對有餘忭。秋園氣明爽，招邀集時彥。寫圖紀佳勝，題詠滿束緡。書來索我和，嘉語預獎炫。似虞楮白馬，老韻或衰倦。嗟我別季子，七見寒暑變。當時衡宇約，矢欲老耕佃。豈知人事乖，巧避若鴻燕。披圖默警省，增我離思纏。就中東陽翁，謂栗仲儕輩所僅見。神交十載餘，而竟惝一面。茫茫天逕感，脈脈車輪轉。百端并振觸，懷抱何由遣。驚心歲時易，行又迫霜霰。作詩寄印友，庶以舒積戀。

北埕落成家瑟川翁暨同事諸君子請紀以詩勉率  
得二十韻美不忘規亦古人忠告之意也

化人具天眼一粟睨萬類孛亡等凡楚小大齊垓岱形家  
審勢局分寸爭向背天工所缺陷云藉人事代邦人拳拳  
意謂是關苑瘁歡然集姻好輸瀉逮百輩瘠鄉物產薄羣  
力豈易萃忠哉父老謀九仞竟終饋榮膺世所趨要以名  
實配絲兔而麥燕於用其曷賴古時重舉選出處窺節概  
當年鴻都學誼士且羞厠際合偶然耳觀聽將并至敢告  
吾黨士茲義慎毋昧野夫懶無營但假臨眺快凌晨款危  
磴徙倚至日晦年來屏酬接漸苦腰脚憊獨此溪山娛夢  
寐餘興在故柯烏知倦枯柳馬便平齊常當挈卮酒遠豁

清淨疎

沈湘耆舊集卷第一百二十九終